

# GAŽENJA LJUDSKIH

Piše: **Gordana KATANA**

Sistemska kršenja ljudskih prava dosegla su toliki nivo da ozbiljno narušavaju principe vladavine prava u Bosni i Hercegovini, poručeno je s konferencije za novinare na kojoj je jučer u Banjoj Luci predstavljen izvještaj Institucije ombudsmena za ljudska prava BiH za 2015. godinu.

## Stručna pomoć

Ombudsmenka Jasminka Džumhur navela je da se u godini iza nas najveći broj žalbi odnosio na povrede građanskih i političkih prava u 1.790 od ukupno 2.966 slučajeva.

- Najveći dio žalbi vezan je za sudstvo i upravu. Kod nas je obraćanje sudu postalo pravilo i dodatno otežavajuća okolnost u tom sistemu jeste činjenica da, kada građani i do-

## O neefikasnosti sistema najbolje svjedoči podatak da na području Kantona Sarajevo već 21 godinu postoje interno raseljene osobe koje čekaju na obnovu zgrade

biju pravosnažnu presudu, nemaju mogućnost da se ona izvrši. Inajveći broj presuda Evropskog suda u odnosu na BiH u protekle dvije godine upravo se odnosi na neizvršavanje pravosnažnih sudskih presuda, precizirala je Džumhur.

Ombudsmeni podvlače da je nedopustivo u jednom društvu da radni sporovi traju osam godina i to u godini kada je došlo do izmjene radnog zakonodavstva, a da istovremeno ne jačaju inspekcijski organi. Kao primjer naveli su Kanton Sarajevo u kojem samo četiri inspektora rada nadziru provođenje zakona.

Osim na kršenja građanskih i političkih prava, građani su se Instituciji ombudsmena obraćali i zbog kršenja ekonomskih, socijalnih i kulturnih prava u 698 slučajeva, sve oblike diskriminacije - 159, kršenja prava djece - 148, prava pritvorenika i zatvorenika - 108, povrede prava osoba s invaliditetom - 53 i povrede prava nacionalnih i vjerskih manjina - 10.

Ombudsmeni su opredijeljeni, navela je Džumhur, "da se pristupi sveobuhvatnom rješenju nagomilanih problema u oblasti ljudskih prava, ali želimo ukazati da je u postojećim okolnostima nemo-



**Ombudsmeni BiH:** Najviše žalbi na sudstvo i upravu

za 2015.

# PRAVA

guće napraviti iskorak u unapređenju ljudskih prava bez traženja stručne pomoći naših partnera.”

Nives Jukić, ombudsmen BiH, iznijela je podatak da opštine, kantoni i entiteti najčešće ne izvršavaju pravosnažne sudske presude, jer, kako je pojasnila, “ne postoje finansijska sredstva za njihovo izvršenje ili se ta sredstva iz godine u godinu smanjuju”.

## Dukićeva tužba

- Tužba protiv Institucije ombudsmena BiH koju je pred Osnovnim sudom u Vlasenici podigao vlasnik kompanije Boksit iz Milića Rajko Dukić prva je

## RADNI SPOROVI

**Nedopustivo je da radni sporovi u jednom društvu traju i do osam godina i to u godini kada je došlo do izmjena radnog zakonodavstva**

i istorijska tužba od postojanja ove institucije u svijetu, kazala je Džumhur.

Mitrović je podsjetio da je u Zakonu o Instituciji ombudsmena BiH eksplicitno navedeno da su imunitetom ombudsmeni zaštićeni u okviru svog rada i da za to ne mogu snositi ni krivičnu ni građansku odgovornost.

Dukić je, podsjećamo, Instituciju ombudsmena tužio nakon njihovog javnog reagovanja na brojna kršenja ljudskih, radnih i građanskih prava kako u Boksitu, tako i samim Milićima koja su činjena po njegovoj naredbi.